

stiffen Wein triessen / vnd alle Hügel werden fruchtbar sein. Denn ich wil die Gefengnis meines volcks Israel wenden / das sie sollen die wüste Stedte bauen vnd bewonen / Weinberge pflanzen / vnd Wein dauon trincken / Garten machen / vnd Früchte dar aus essen. Denn ich wil sie in jr Land pflanzen / das sie nicht mehr aus irem Land gerottet werden / das ich jnen geben werde / spricht der HERR dein Gott.

Ende des Propheten Amos.

Vorrede auff den Propheten Obad Ja.



Obad Ja zeigt nicht an: welche

zeit er gelebt hat / Aber seine Weissagung / gehet auff die zeit der Babylonischen gefengnis / Denn er tröstet das volck Juda / Das sie sollen wider gen Zion komen.

VND furnemlich gehet seine Weissagung wider Edom oder Esau / welche einen sonderlichen ewigen has vnd neid trugen / wider das volck Israel vnd Juda / Wie es pflegt zu gehen / wenn Freunde widernander vneins werden / vnd sonderlich / wo Brüder gegen ander in has vnd feindschafft geraten / da ist die feindschafft on alle masse. Also waren hie die Edomiter dem Jüdischen volck vber alle masse feind / vnd hatten keine grössere freude / Denn das sie sehen solten der Jüden gefengnis / vnd rhümeten vnd spotten jr / in irem jamer vnd elende. Wie fast alle Propheten / die Edomiter / vmb solcher heffiger bosheit willen / schelten. Als auch der cxxxvij. Psalm vber sie klagt / vnd spricht / HERR / Gedenck der Edomiter / am tage Jerusalem / Da sie sprachen / Kein abe / rein abe / bis auff iren boden.

WEL denn solchs aus der massen weh thut / so man die Elenden vnd betrübten (die man billich trösten solt) aller erst zu irem jamer spottet / lachet / trotzet vnd rhümet / Da mit der Glaube an Gott eine grosse / starkere anfechtung leidet / vnd gewaltiglich zum verzweueln vnd vnglauben reitzt / So stellet hie Gott einen sonderlichen Propheten wider solche verdriesliche Spötter vnd Anfechter / vnd tröstet die Betrübten / vnd sterckt iren glauben / mit dreyen vnd schelten / wider solche feindselige Edomiter / das ist / Spötter der Elenden / Vnd mit verheiffung vnd zusagung künfftiger hülffe vnd errettung. Vnd ist fur war ein nöthiger trost / vnd ein nützlicher Obadja / in solchem vnfall.

Wende weissagt er von Christus Reich / Das solle nicht allein zu Jerusalem sondern allenthalben sein. Denn er menget alle Völcker in einander / Als Ephraim / Ben Jamin / Galaad / Philister / Cananiter / Zarpath / welches nicht kan vom zeitlichen Reich Israel verstanden werden / da solche Stimme vnd volck im Lande vnterscheiden sein mussten / nach dem gesetz Mose.

DAS aber die Jüden hie Zarpath / Franckreich / vnd Sepharad / Hispanien deuten / Las ich faren / vnd halte nichts da von / Sondern lasse Zarpath bleiben / die stad bey Sidon / vnd Sepharad eine stad oder Land in Assyria / da die zu Jerusalem gefangen gewesen sind / wie der Text klerlich sagt (Vnd die gefangenen Jerusalem / so zu Sepharad sind) Doch halte ein jglicher was er wil.

Zarpath.  
Sepharath.

3 iij

DJS ist